

HAP-KAI (37)

1 Tāi-lī-o· ông jī-nî, lāk-gêh chhoe-it, Iâ-hô-hoa ê oē thok sian-ti Hap-kai, thoân hō· Iû-tāi ê chóng-tok, Sat-láh-thiat ê kiáⁿ Sók-lô-pa-pek, kap Iok-sat-tap ê kiáⁿ, chè-si-thâu Iok-su-a kóng, ²Bân-kun ê Iâ-hô-hoa i ê oē án-ni kóng, Chit ê peh-siⁿ kóng, Khí Iâ-hô-hoa tiān ê sī hit-ê sī iáu-bē kàu. ³Hit-sī Iâ-hô-hoa ê oē thok sian-ti Hap-kai kóng: ⁴Chit-keng tiān iû-goân hong-hoè, che kiám-sī lín ka-kī khiā-khí thian-hoa-pán ê chhù ê sī mah? ⁵Taⁿ bân-kun ê Iâ-hô-hoa án-ni kóng, Lín tiòh séng-chhat lín ê só·-kiáⁿ. ⁶Lín iā chéng-chí choē, siu-sêng chió; lín chiáh, iā boē pá; lim, iā boē chí-khoah; chhēng-saⁿ, iā boē sio; tit-tiòh kang-chiⁿ--ê, ēng kang-chiⁿ hē tī phoà-khang ê tē-á, ⁷Bân-kun ê Iâ-hô-hoa án-ni kóng, Lín tiòh séng-chhat lín ê só·-kiáⁿ. ⁸Lín tiòh chiūⁿ-soaⁿ chhú chhâ-liâu, lâi khí chit ê tiān; Goá chiū in-ūi án-ni hoaⁿ-hí, koh tit-tiòh êng-kng; che sī Iâ-hô-hoa kóng--ê. ⁹Lín òng-bāng tit-tiòh choē, lí khoàⁿ, hoán-túg tit-tiòh chió; lín toà kàu chhù--ê, Goá chiū pún hō· i bô--khì; che sī sím-mih iân-kò? sī in-ūi Goá ê tiān hong-hoè. lín ták-lâng kín-kip ka-kī ê chhù; che sī bân-kun ê Iâ-hô-hoa kóng--ê. ¹⁰Sók-í in-ūi lín ê iân-kò, thiⁿ chiū bô lólh lô·-chúi, toē iā bô chhut i ê thó·-sán. ¹¹Goá hō· khòng-hān kàu tī thó·-toē, tī soaⁿ-thâu, tī gō·-kak, tī sin-chiú, tī iû, tī toē-chiūⁿ só·-chhut--ê, tī lāng, tī cheng-siⁿ, tī lāng ê chhiú

tiòh-boâ tit-tiòh--ê.

¹²Hit-sī Sat-láh-thiat ê kiáⁿ Sók-lô-pa-pek, kap Iok-sat-tap ê kiáⁿ, chè-si-thâu Iok-su-a, kap só· chhun ê peh-siⁿ, lóng thiaⁿ-thàn in ê Siōng-tè Iâ-hô-hoa ê siaⁿ, kap sian-ti Hap-kai hōng Iâ-hô-hoa in ê Siōng-tè chhe i só· kóng ê oē; peh-siⁿ iáh tī Iâ-hô-hoa ê bīn-chēng, chūn kiaⁿ-ùi ê sim. ¹³Iâ-hô-hoa ê sù-chiá Hap-kai, chiàu Iâ-hô-hoa só· bēng-lēng ká peh-siⁿ kóng, Iâ-hô-hoa kóng, Goá kap lín tī-teh. ¹⁴Iâ-hô-hoa kek-tōng Iû-tāi ê chóng-tok, Sat-láh-thiat ê kiáⁿ Sók-lô-pa-pek, ê sim, kap Iok-sat-tap ê kiáⁿ, chè-si-thâu, Iok-su-a, ê sim, kap chhun ê peh-siⁿ ê sim, in chiū lâi tī bân-kun ê Iâ-hô-hoa in ê Siōng-tè ê tiān choè-kang. ¹⁵Che sī tī Tāi-lī-o· ông jī-nî, lāk-gêh jī-cháp-si jít.

2 Chhit-gêh jī-cháp-it jít, Iâ-hô-hoa ê oē thok sian-ti Hap-kai kóng, Lí tiòh ká Iû-tāi ê chóng-tok Sat-láh-thiat ê kiáⁿ, Sók-lô-pa-pek, kap Iok-sat-tap ê kiáⁿ, chè-si-thâu Iok-su-a, í-kip só· chhun ê peh-siⁿ kóng, Lín tiong-kan iáu tī-teh ê lāng, ū chī-chui bat khoàⁿ-kìⁿ chit keng tiān chiông-chēng ê êng-kng mah? Hiān-chāi lín khoàⁿ-liáu cháiⁿ-iūⁿ ah? kiám-m-sī tī lín ê bák-chiu khoàⁿ chhin-chhiūⁿ bô mah? ⁴Iâ-hô-hoa kóng, Sók-lô-pa-pek ah, lí tiòh íóng-kám; Iok-sat-tap ê kiáⁿ, chè-si-thâu Iok-su-a ah, lí iáh tiòh íóng-kám; Iâ-hô-hoa koh kóng, Chit só·-chāi ê peh-siⁿ ah, lín iáh

tiòh íong-kám, iáh tiòh choè-kang, in-ũi Goá kap lín tī-teh; che sī bān-kun ê Iâ-hô-hoa kóng--ê. ⁵Tng lín chhut Ai-kíp ê sī, Goá kap lín líp iok ê oē, Goá ê Sìn tiàm-tī lín tiong-kan; lín bôh-tit kiaⁿ. ⁶In-ũi bān-kun ê Iâ-hô-hoa án-ni kóng, Koh bô joā-kú, Goá beh koh chit-pái tín-tāng thiⁿ kap toē kap hái kap ta-toē. ⁷Goá beh tín-tāng bān-kok, bān-kok só· him-bō--ê beh lâi; Goá chiū hō· êng-kng chhiong-moá chit keng tiān; che sī bān-kun ê Iâ-hô-hoa kóng--ê. ⁸Bān-kun ê Iâ-hô-hoa kóng, Gūn sī Goá--ê, kim iáh sī Goá--ê. Chit keng tiān āu-lâi ê êng-kng, beh iāⁿ-kè chêng ê êng-kng; che sī bān-kun ê Iâ-hô-hoa kóng--ê; koh tī chit ê só·chāi, Goá beh siūⁿ-sù pêng-an; che sī bān-kun ê Iâ-hô-hoa kóng--ê.

¹⁰Tāi-lī-o· ông jī-nī, káu gēh jī-cháp-sì jīt, Iâ-hô-hoa ê oē thok sian-ti Hap-kai kóng, Bān-kun ê Iâ-hô-hoa án-ni kóng, Koan-hē tī lút-hoat lí thang m̄ng chè-si, kóng, Siat-sú ũ lāng ēng saⁿ-á-ku pau sèng ê bah, chit ê saⁿ-á-ku oá-tiòh piáⁿ, á-sī thng, á-sī chiú, á-sī iū, á-sī pát-hō chiáh-mih, chiū chit ê mih chiāⁿ-choè sèng mah? Chè-si ìn kóng, Bô--lah. ¹³Hap-kai koh kóng, Siat-sú ũ lāng bong-tiòh sin-si bak lâ-sâm, lâi oá-tiòh chiaⁿ ê mih ê chit-hāng, chit ê mih chiāⁿ-choè ù-oè mah? Chè-si ìn kóng, Chiāⁿ-choè ù-oè. ¹⁴Hap-kai chiū ìn kóng, Iâ-hô-hoa kóng, Tī Goá ê bīn-chêng, chit ê peh-siⁿ sī chhin-chhiūⁿ án-ni, chit ê kok iā sī án-ni; in ê chhiú só· choè ták-hō ê kang iā lóng sī án-ni; in tī chia só· hiàn--ê bô chheng-khi. ¹⁵Taⁿ chhiáⁿ lín siūⁿ, chit-jīt í-chêng, Iâ-hô-hoa ê tiān iáu-bē ũ chiòh tháh tī chiòh-téng ê sī; lék-kè hiah ê sī, lāng lâi kàu gō·kak-tui, siūⁿ beh tit-tiòh jī-cháp táu, chí-ū cháp-táu; ũ lāng lâi kàu chiú-khut, siūⁿ beh tit-tiòh gō·cháp àng, chí-ū tit-tiòh jī-cháp

àng. ¹⁷Tī lín ê chhiú só·-choè it-chhè ê kang, Goá ēng ko·tâ, hiú-noā, toā-phauh phah lín, lín iáu-kú bô kui-nēng Goá; che sī Iâ-hô-hoa kóng--ê. ¹⁸Chhiáⁿ lín siūⁿ chit-jīt í-chêng, tui káu-gēh jī-sì jīt kiàn-líp Iâ-hô-hoa tiān ê toē-ki ê sī, lín tiòh siūⁿ i. ¹⁹Chhek-chhng iáu ũ chéng-chí mah? Phû-tô-chhiū, bû-hoa-kó-chhiū, siáh-liū-chhiū, kaⁿ-ná-chhiū, lóng bē ũ kiat ké-chí; tui kin-á-jīt khí, Goá beh sù-hok lín.

²⁰Hit-gēh jī-cháp-sì jīt, Iâ-hô-hoa ê oē tē jī-pái līm-kàu Hap-kai kóng, ²¹Lí tiòh ká Iū-tāi ê chóng-tok Sô·lô-pa-pek kóng, Goá beh tín-tāng thiⁿ kap toē; ²²Goá beh chhia-tó liát-kok ê pó-chō, tū-biát ták pang-kok ê sè-lék, iáh beh chhia-tó chiàn-chhia kap chē-chhia--ê, bé kap bé-peng lóng beh tó--lôh-khi, ták-ê tui i ê hiaⁿ-tī ê to lâi sí. ²³Bān-kun ê Iâ-hô-hoa kóng, Goá ê lô·pók Sat-láh-thiat ê kiáⁿ Sô·lô-pa-pek ah, tng hit-jīt, Goá beh tiâu lí, Iâ-hô-hoa kóng i; koh Goá beh ēng lí choè chhiú-chí-in; in-ũi Goá bat keng-soán lí; che sī bān-kun ê Iâ-hô-hoa kóng--ê.